

Канон преподобной Евфросинии Суздальской

Память празднуем 25 сентября (8 октября)

Тропарь, глас 8-й

В тебе, ма́ти, извѣстно спасѣся е́же по о́бразу, приимши бо Крест, послѣдовала еси́ Христу́ и, де́ющи, учи́ла еси́ презира́ти у́бо плоть, прехо́дит бо: прилежа́ти же о ду́ши ве́щи безсме́ртней. Те́мже и со Ангелы сра́дуется, преподо́бная Евфроси́ние, дух твой.

Ин Тропарь, глас 4-й

Свята́я твоя́ па́мь Сужда́льскую страну́ веселит, ве́рных же вся созыва́ет во всечестный храм твой, иде́же ны́не соверша́ется всесла́вная па́мь твоя́, Евфроси́ние преподо́бная: моли́ Христа́ Бо́га, спасти́ся ду́шам на́шим.

КАНОН, глас 8-й

Песнь 1

Ирмос: Во́ду проше́д, я́ко су́шу, и египетскаго зла избежа́в, израильтянин вопи́яше: Изба́вителю и Бо́гу на́шему поим.

Припев: Преподо́бная ма́ти на́ша Евфроси́ние, моли́ Бо́га о нас.

Све́том моли́тв твои́х озари́ нас, с любо́вию присту́пающих святу́ю па́мь твою́ воспѣти, преподо́бная ма́ти.

Преподо́бная ма́ти на́ша Евфроси́ние, моли́ Бо́га о нас.

Испро́шенна моли́твами и от чре́ва ма́терня избра́на бы́вши, всю себѣ в же́ртву Христу́ Бо́гу принесла́ еси́ и сосу́д избра́н Божественных даро́в явила́ся еси́, блаже́нная.

Слава: Сохрани́ти хотя́ де́вство Христу́ Жениху́ и послуша́ние соблюсти́ родителем, моли́твенно воззва́ла еси́ к Богоро́дице и То́я ходата́йством жела́нное устро́ение жи́зни улучи́ла еси́, пресла́вная.

И ны́не: Всего́ мя спаса́ет Сло́во Пребоже́ственное, из чре́ва Твоего́ воплоти́тися благоволи́вшее, Чи́стая Ма́ти Де́во.

Песнь 3

Ирмос: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твое́й, жела́ний кра́ю, ве́рных утвержде́ние, Еди́не Человеколю́бче.

Преподо́бная ма́ти на́ша Евфроси́ние, моли́ Бо́га о нас.

Свобо́ду получи́в от бра́ка Бо́жим смотре́нием, кра́сному добро́тою Христу́ обручи́лася еси́ произво́лением и, Тому́ усер́дно порабо́тав, ны́не в небе́сных оби́телях Того́ утеша́ешься оби́льно.

Преподо́бная ма́ти на́ша Евфроси́ние, моли́ Бо́га о нас.

Небе́сная возлюбивши, вся кра́сная ми́ра сего́ оста́вила еси́, преподо́бная, и во оби́тель все́льшися, неле́нотными труда́ми по́стничества Бо́гу угоди́ла еси́, Его́же

моли́ спасти́ся душáм нáшим.

Слава: Всенóщными стоя́нии тво́ими безплóтным Ангелом подóбилася еси́, тех споспéшниками имúщи в тво́их непрестáнных к Бóгу моли́твах.

И ныне: При́зри на нéмощь рабóв Тво́их, Всепéтая Богородице, и избáви нас от скрýтных сетéй врагá и губи́теля душ нáших.

Гóсподи, помилуй (трижды).

Седален, глас 3-й

Пасóма от Гóспода, я́ко овчá крóткое, сопротивных полки́ победи́ла еси́ благодáтию Свята́го Дúха и, скончáв мýжественно пóдвиг, венцы́ побéдные прия́ла еси́ в небéсных селéниях, иде́же упокоева́ясь, Бóга приле́жно моли́ спасти́ся душáм нáшим.

Ин седален, глас 3-й

Пасóма от Гóспода, Сегó овчá явилáся еси́ крóтка, сопротивныя полки́ побежда́я и, скончáв пóдвиг божéственный свой, в Небéсную огра́ду всели́ся, Евфроси́ние преподóбная, Бóга приле́жно моля́ дарова́ти нам вéлию мýдлость.

Слава, и ныне: Мнóгими обдержímии напáстьми, к Тебé прибега́ем, Влады́чице Чистая: покрýй нас покрóвом Тво́им и моли́твами Тво́ими от страстéй и бед спаси́.

Песнь 4

Ирмос: Услы́шах, Гóсподи, смотре́ния Твоегó та́инство, разумéх дела́ Тво́я и просла́вих Твоё Божество́.

Преподóбная ма́ти нáша Евфроси́ние, моли́ Бóга о нас.

Бо́дренным óком ума́ твоегó в зрéнии невидимаго Бóга вы́ну пребывáла еси́, блаже́нная: Егóже лицезрéнием ны́не наслажда́ющихся, моли́ уны́ния дрема́нию оттрясти́ся от очéй нáших.

Преподóбная ма́ти нáша Евфроси́ние, моли́ Бóга о нас.

Божéственным слóвом и благодáтию Свята́го Дúха воспита́вшейся, на высотú добродéтелей востекла́ еси́, преподóбная ма́ти. Ихже стезе́ю шéствовать и нас укрепи́ моли́твами тво́ими.

Слава: Огнём Божéственного стра́ха попалíв страстéй тёрние и теплото́ю Уте́шителя согрéвшись, была́ еси́ безстра́стия зерца́ло, Егóже причáстники и нас покажи́ ходáтайством тво́им.

И ныне: Омрачéнныя грехáми дúши нáша просвети́, Пречистая, и во свéте за́поведей Сы́на Твоегó и Бóга ходи́ти научи́ ны.

Песнь 5

Ирмос: Просвети́ нас повелéнии Тво́ими, Гóсподи, и мýщицею Твое́ю вы́сокою Тво́й мир пода́ждь нам, Человеколю́бче.

Преподóбная ма́ти нáша Евфроси́ние, моли́ Бóга о нас.

Нося́ крест свой, последовала еси́ позва́вшему Тя Гóсподу бо́дренно, свети́льник иноки́ням б́ввши в жити́и твоём, пресла́вная ма́ти.

Преподóбная ма́ти нáша Евфроси́ние, моли́ Бóга о нас.

В терпéнии, послуша́нии и во́ли своéй отречéнии тéсный путь соверши́вши, ны́не в пространных селéниях обита́еши, в нýже dospéти и нас устрои́.

Слава: Вся красная міра сего поправши, буди нам помощница, изнемогающим в борении с прелестями века сего.

И ныне: Приснодеву поем Тя, Богородице: Ты бо Бога Слова плотию мірови рождши, пребыла еси Дева.

Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Преподобная мати наша Евфросиние, моли Бога о нас.

Многими подвиги плотская умертвивши стремления и нас, подражати тебе в постничестве возжелавших, тесным путем твоим шествовати умудри.

Преподобная мати наша Евфросиние, моли Бога о нас.

Воздержанье, молитву и любовь стяжавши, преподобная, иноческого жития образ явилася еси, в немже преуспети и нам пособствуй ходатайством твоим.

Слава: Послушания труды прешедши и всеми добродетельми украсившись, жезл настоятельства прияла еси во обители иноческой, ныне же венцем Славы увенчана еси: сего ради ублажаем тя, преподобная.

И ныне: Яже Бога Слова Избавителя миру плотию рождающая, избави, молимся, от сетей вражиих души наша, Богородительнице Чистая.

Господи, помилуй (трижды). Слава, и ныне:

Кондак, глас 2-й

Девства чистый сосуд елеем молитвы и любви исполнивши, неугасимый светильник в сердце своем возжгла еси, преподобная, с нимже бодренно в сретение Небесного Жениха изшедши, в чертог Того пресветлый приятна была еси: идеже ныне водворяясь с лики Ангелов и святых, молися, молимся, Христу Богу, части дев юродивых избавитися нам.

Икос

Девство возлюбив, сохранение того испросила еси у Приснодевы и, к земному шествуя жениху, Небесного сретила еси: Ему же уневестившись, вся житейская оставила еси и притрудное совершивши постническое житие, в небесный чертог приятна быти сподобилася еси, идеже ныне с лики Ангелов и святых водворяясь, моли Христа Бога, сотворити и нас причастники блаженных части твоей.

Песнь 7

Ирмос: От Иудеи дошедше отроцы, в Вавилоне иногда верою Тройческою пламень пещный попраша, поюще: отцев Боже, благословен еси.

Преподобная мати наша Евфросиние, моли Бога о нас.

Востекши на высоту добродетелей и безстрастным во плоти житием Ангелом уподобльшись, рай сладости наследницею быти сподобилася еси, взывающи: благословен еси, Господи Боже, во веки.

Преподобная мати наша Евфросиние, моли Бога о нас.

Сияя светом безстрастия, от страстей молитвами твоими избавляеши притекающих к тебе молитвенно, преподобная, взывающих: благословен еси, Господи Боже, во веки.

Слава: Престо́лу предсто́я Вседержи́теля, избавле́ние от бед и скорбе́й моли́твами твои́ми испроси́ нам, чту́щим па́мять твою́, да взыва́ем: благослове́н еси́, Го́споди Бо́же, во ве́ки.

И ныне: Пресвята́я Де́во Богоро́дице, ходата́йством Твои́м исцели́ на́ша телесны́я немо́щи и душе́вны́я недуги́, да Тебе́ ра́достно воспо́ем: ра́дуйся, Благода́тная.

Песнь 8

Ирмос: Царя́ Небе́снаго, Егóже пою́т во́и Ангельсти́и, хвалите́ и превозноси́те во вся ве́ки.

Преподо́бная ма́ти на́ша Евфроси́ние, моли́ Бо́га о нас.

За́поведи Го́спода внима́ющи, трезвене́ием и бо́дренностию́ все наве́ты и ко́зни врага́ препобеди́ла еси́, от ни́хже и нам изба́вится моли́твами твои́ми сподо́би.

Преподо́бная ма́ти на́ша Евфроси́ние, моли́ Бо́га о нас.

Щито́м ве́ры и шле́мом упова́ния воору́жившись, по́лчища вра́жеская отрази́ла еси́ моли́твами твои́ми от оби́тели, и ны́не нас храни́ти не преста́й ходата́йством твои́м.

Слава: Срамны́х страсте́й совлещи́ся ру́бищ, в кра́сныя же добродете́ли ри́зы обещи́ся сподо́би нас моли́твами твои́ми.

И ныне: Влады́чице Чи́стая, нас, к Тебе́ усер́дно прибега́ющих, от страсте́й и бед свободи́ моли́твами Твои́ми.

Песнь 9

Ирмос: Вои́стинну Богоро́дицу, Тя испове́дуем, спасе́ннии Тобо́ю, Де́во Чи́стая, с Безплóтными ли́ки Тя велича́юще.

Преподо́бная ма́ти на́ша Евфроси́ние, моли́ Бо́га о нас.

Нечисто́тами грехо́вными оскверне́нных нас убели́, блаже́нная Евфроси́ние, моли́твами твои́ми, к пока́нию подвигши́ ожесте́вша ду́ши на́ша.

Преподо́бная ма́ти на́ша Евфроси́ние, моли́ Бо́га о нас.

Нестяжа́нием упраздни́вшись, безбе́дно преплы́ла еси́ жите́йское мо́ре, преподо́бная, егóже трево́лнений изба́вится сподо́би и нас, чту́щих па́мять твою́.

Слава: То́ками слез твои́х огонь страсте́й угаси́ла еси́, блаже́нная, ихже жже́ния изба́ви и нас моли́твами твои́ми.

И ныне: Буди́ нам прибе́жище, стена́ и покрóв, Пречи́стая Де́во, да Тя с безплóтными ли́ки непреста́нно велича́ем.